



Hmasawanna Thar

(A N I N D E P E N D E N T D A I L Y N E W S P A P E R)

Regd. No. RNI - 40917/89 | Postal Regd. No. MNP - 67

Contact Numbers pawimaw :
DC/CCPur : 03874-234234
SP/CCPur : 03874-236747
Police Station : 03874-202248
SP Control Room: 03874-233239
Dist. Hospital Casualty : 03874-233370
Fire Brigade : 8974 147 799/
8258 057 887 / 8974 103 600

Hmasawanna Thar Vol - 32/104

Churachandpur

email : hmasawannatharnews@yahoo.com

Phone: +91-3874-236846

Rs 6/- per copy

District Level Quiz Competition nei



CCPUR: District Election Officer (DEO)/DC, CCPur huohawntain January 23, 2017, 11:00AM a inthawk khan District Training Centre (DTC), Tuibong, CC-Pur hmuhaw District Level Quiz Competition nei a nih.

Competition hi writing le Oral-a nei a ni a, Don Bosco Hr. Sec. School le Jawahar Novadaya Vidyalaya (JNV) haia inthawk team 2; Young Pillar College, St. Mary's Chool le Rengkai Govt. Hr. Sec. School haia inthawk team 1 seng an thang.

Lungouin Kipgen le Kapkhai Singson of Don

Bosco Hr. Sec. School han pakhatna an lak a, Don Bosco a inthawk baw Tinglemvak Vaiphei le GG Lhaineivah han pahina an lak a, JNV a inthawk Ngamgimrang Haokip le Kennedy Moi bakah Young Pillar College a inthawk Mary Hatneikim le Timothy Seimngou han pathumna an lak.

January 25, 2017 nia District level 7th National Voters Day hmang huna hi Competition-a lawmman latu hai kuomah lawmman inhlanna um a ta, State level-ah district aiawin va thang baw an thih.

BJP in an candidate list hmasa tak mi 31 hming official in an puong; MLAs Nemcha Kipgen, Vungzagin Valte le MPCC Vice President S. Achouba hai Congress a inthawk an inban

IMPHAL: March 4 & 8, 2017 haia 11th Manipur Legislative Assembly Election, 2017 hung um dinga an candidates list hmasa tak mi 31 hming chu zanikhan Central Election Committee, BJP chun an puong.

BJP candidate list hmasa tak mi 31 hai hi Jan. 19, 2017 a New Delhi-a BJP National President le BJP Central Election Committee Convenor inrawina hnuoia BJP Central Election Committee meeting huna an lo siem le sukfel ta a nih. Hi meeting a hin PM Narendra Modi, Union Home Minister Arun Jaitley le Central Election Committee member-hai an thang.

Manipur a Political party um hai laia Candidate list puong hmasa tak chu Irom Sharmila Chanu party Peoples Resurgence and Justice Alliance



(PRJA) an ni a, a pahina chu BJP an nih. National Party a ding chun BJP hi candidates list puong hmasa tak an la nih.

BJP Candidate list 31 hai lai hin Union Minister hlui pakhat, State a minister hlui 10 le MLA hlui 3 an thangs. BJP second candidate list hi Jan. 25, 2017 or a huongah puonglang ni el theia hrii a nih.

Hieng laizing hin tuta Manipur a O.Ibobi Singh CM nina le Congress sawrkar parliamentary

Secretary (Horticulture & Soil Conservation, CADA) ni lai mek Vungzagin Valte le Congress MLA ni laizing Nemcha Kipgen hai chu zanikhan MLA an nina le Congress Party primary membership-a inthawk an inban a, BJP an zawm ding nia hrii a nih. Chun, MPCC Vice President le Vice Chairman, Khadi and Village Industries Board ni laizing Sagolsem Achouba khawm MPCC Vice President le Khadi and Village Industries Board



Vungzagin Valte



Nemcha Kipgen



S. Achouba

Vice Chairman a nina haia inthawk an ban ve. Ama khawm hin BJP a zawm ding nia hrii a nih. Hieng mi 3 hai khawm hi BJP second candidate list-ah an thang ring a nih. Congress party chun an candidate list Jan. 31, 2017 hmaa an puonglang ring a nih. Tuchen hin Congress party ticket dita hniina lekha la mi 94 an um a, MPCC Office-a hniina lekha pelut ruok chu 76 an nih tiin ei thu dawngna chun a hrii.

BJP Candidate list puonglang hmasa tak hai chu hieng a hnuoia hai hi an nih.

Sl.	AC No.	AC Name	Phase	Name of Candidate
1.	2	Heingang	1	Shri N. Biren Singh
2.	3	Khurai	1	Shri L. Susindro Meitei
3.	5	Thongju	1	Th. Biswajit Singh
4.	6	Keirao	1	Shri L. Rameshwor Meetei
5.	7	Andro	1	Dr. Nimaichand Luwang
6.	8	Lamlai	1	Kh. Ibomcha Singh
7.	11	Sagolband	1	Dr. Kh. Loken Singh
8.	12	Keisamthong	1	Shri R.K. Shivachandra Singh
9.	14	Yaiskul	1	Shri Th. Satyabrata Singh
10.	15	Wangkhei	1	Yumkham Erabot Singh
11.	18	Konhoujam	1	Dr. S. Ranjan Singh
12.	19	Patsoi	1	Shri S. Premananda Sharma
13.	20	Langthabal	1	Shri O. Joy Singh
14.	22	Wangoi	1	Shri S. Joy Singh
15.	23	Mayang Imphal	1	Shri K. Robindro Singh
16.	24	Nambol	1	Shri Th. Chaoba Singh
17.	25	Onam	1	L. Radhakishor Singh
18.	27	Moirang	1	Shri P. Sharatchandra Singh
19.	28	Thanga	1	Shri M. Asnikumar Singh
20.	29	Kumbi	1	Shri N. Mangi Singh
21.	30	Lilong	2	Md. Anwar Hussain
22.	31	Thoubal	2	L. Bashanta Singh (Bhim)
23.	32	Wangkhem	2	Shri O. Haridas Singh
24.	33	Heirok	2	Shri Th. Radheshyam Singh
25.	34	Wanging Tentha	2	Shri M. Hemanta Singh
26.	35	Khangabok	2	Shri Th. Jadumani Singh
27.	36	Wabgai	2	Dr. U. Deben Singh
28.	38	Hiyanglam	2	Dr. Y. Radheshyam Singh
29.	39	Sugnoo	2	Shri Y. Jiban Singh
30.	49	Tadubi (ST)	2	Francis Ngajokpa
31.	52	Tamei (ST)	2	Z Kikhonbou Newmai

CHANCHIN LAKTAWI

DC in a hawng ding

CCPUR: Mr Lunminthang Haokip, IAS, DC & Chairman, DTF-I, CCPur chun Jan. 29, 2017, 7:00AM khin National Program, NID/ IPPI, 2017 (first round) Polio Sunday chu Dist.Immunization Office (DIO), CCPur Campus-ah khuoli- liena thangin hawng a tih.

National Voters Day

CCPUR: January 25, 2017, 1:00PM khin DTC Hall, Tuibong, CCPur-ah DEO/DC, CCPur inrawinain District Level National Voters Day 2017 hmang ning a tih. Hi huna hin "Follow the Code and go to Vote" le National Voters Day le SVEEP-II hawngna um a ta, "Follow the Code and go to Vote" ti hla sakna um a ta. Kum 18 ting thar le vote nei thar hai kuomah Electoral Voter Identity Card (EPIC) semna um a ta, annia inthawk thuhrii ngaithlakna hai um a tih.

Silai 317 sielut tah

CCPUR: Sielut chen khan Churachandpur District a chun silai license nei 317 Police station-ah sielut a ni tah. Churachandpur district-a silai license nei umzat chu 1721 a nih. Assembly Election hung um ding lein District Magistrate, CCPur chun January 4, 2017 a kha silai license neiha mani umna hnei taka Police station haia sielut dinga order a lo insuo ta a nih.

UTLA Chairman kap hliem

CCPUR: January 22, 2017 zan dar 6:30 vel khan hmel hrietlo pasal pahni han United Tribal Liberation Army (UTLA) Chairman Lamtinsei alias Ishael (40), s/o Letk hosei of Tollen Churachandpur District chu Biekin inkhawm tin, an In a lut a tum lain an Gate bu- lah an kap a, a hliem lein District Hospital, CCPur panpui a ni a, sienkham a hnungin Doctor-hai thurawn angin Imphal ting Hospital panpui a nih. UTLA hi KNO hnuoia um, SoO signatory group a mi a nih.

GAS NEWS
Agency : VANGSEI INDANE
K. Salbung, CCPur
Booking : 30-11-2016
to 12-12-2016
Delivery : 24-01-2017 (TUE)
Time : 8AM till stock
STOCK : 306

Vawisun Parade Rehearsal

CCPUR: January 26, 2017 nia 68th India Republic Day ding le inzawma India ram hmun tum tum haia insingsatna fe mek le inzawmin CCPur district-a khawm insingsat mek a ni a. Republic Day hmang huna Parade-a thang ding hai khawmin uluk takin lam an inchuk mek.

Jan. 24, 2017, 7:00AM hin District Administration, CCPur inrawinain Tuibong Peace Ground-ah Parade Commander ding Augustine Jangminthang Khongsai, MPS, SDPO/Thanlon rawiin Parade rehearsal nei ning a tih. Parade-a hin JNV/Tuinom a inthawk Contingent 6, Rengkai Govt. Hr. Secy., CCPur High School NCC, GM Model High School, SSPP Residential School le Tuibong Jr. H/S haia inthawk parade contingents 2 seng thang an ta, Rayburn College NCC, Rayburn High NCC le Bethany Christian College NCC haia inthawk Contingent 1 seng thang an tih.

Anni baka hin Civil Police, Women Police, VDF, STC/BSF le Ex-Service- men haia inthawk khawmin

YMA Hall hmuna thautui sem ding

CCPUR: Autonomous District Council (ADC), CCPur le Philanthropic Organisation tum tum hai bakah Central YMA, Mizoram hmalaknain Diesel Tanker pahni hung phurtlung nawk a ni a. January 24, 2017, 10:00AM a inthawk hin YMA Hall,

thang an thih. ZEO/CCPur chun rehearsal a thang ding hai full uniform a fe dingin an hrietir.

District level Republic Day hi Tuibong Peace Ground-a hmang ning a ta, hi huna hin Mr Lunminthang Haokip, IAS, DC, CCPur khuolienin thang a ta, India flag keipharna le Parade contingents hai inspection bakah salute lakna nei a tih.

DRDA in main welcome Gate Peace ground-ah intut an ta, PWD in Khawmawi, Dist. Council in Forest Gate, CMO in Police Station, le SSA in Nehru Marg Junction haiah welcome gate intut an thih. Stall hawng ding Dept. hai chu - Forest, Agriculture, Horticulture & Soil Conservation, PHED, IFCD, Sericulture, DIC le Social Welfare hai ning an thih.

Hmuia Veng-ah zawrdawking a tih. ADC, CCPur le YMA Manipur group hotu- hai le Mahajon hai inbiakna angin thautui hi Mahajon hai kuta zawr dinga ped- kawd a ni a, litre 1 ah Rs. 80/- peia zawr ni dingin Mr Langkhanpau Guite, Chairman, ADCC chun a hrii.

Vuongna in thautui litres 64,00 phurtlung nawk ; Zani chenah thautui 96,000 litres phurtlung tah



IMPHAL/GUWAHATI: United Naga Council (UNC) in Manipur-a Economic Blockade ni 80 chuong zet an thaw ta leia thautui tuok Manipurin harsatna a tuok mek sawkzangkhaing din- gin Indian Oil Corporation chun zani chen kha thautui litres 96,000 a phurtlung tah. Official thusuokin a hrii tannin January 22, 2017 zantieng khan Borjhar Air Force Station, Guwahati-a

inthawk high-speed diesel litres 32,000 chu Tanker pahnia Imphal phurtlung an ni a. Zanikhan tanker pahni bawkin litres 64,000 litre phurtlung nawk niin ei thu dawngna chun a hrii a, zani chena Vuongna hmanga thautui phurtlung chu litres 96,000 ni tain ei thu dawngna chun a hrii. Ministry of Petroleum and Natural Gas ngenna a- gina Guwahati-a inthawka

Darker 24 General Strike an thaw ding thu an puong

IMPHAL: Kuki Inpi Kangpokpi (KIK), KSO Sadar Hills le Kuki Women Union Kangpokpi chun zanikhan joint press Release siemin January 24, 2017 zanil-a inthawk Kangpokpi District huop sungah darker 24 General Strike/ Bandh an thaw ding thu an puong. Zanita hieng Civil Organisation han joint meeting an nei huna state sawrkarin Mr Kamjang Haokip thattu hai man dinga hun an pek sunga tuolthattu hai sawrkarin a man naw leia General Strike hi thaw dinga an

rel niin zanita thusuok an siema chun an zieklang. Chun, General Strike sunga tuolthattu hai sawrkarin a man naw chun nuoma helna nasa lem an la thaw pei ding thu an thusuoka chun an zieklang bawk. General Strike hin essential services hieng medical, electricity, water supply, marriage ceremony le sakhuona thil hai chu a huomsa naw ding thu an hrii bawk. An thusuok a hin Seimang Khongsai, President, KIK; Thangminlen Kipgen, President KSO SH

thautui phurna hin Indian Air Force vuongna C-17 Globemaster Cargo aircraft hmang a ni a. Nidanga khawm a la tul chun vuongna hmanga thautui phur- lut a la ni pei ding thu ei thu dangna chun a hrii. IOC Executive Director Dipankar Ray chun, Guwa- hati-a inthawk Manipur-a thutui phurlutna dinga Logistic support petu Indian Air Force chungah lawmthu a hrii.

Blockade leia thautui phurna kawnga le mipui harsatna sawkzangkhaing dinga Oil Ministry, Ministry of Home Affairs le Ministry of Defence han vuongna hmanga phurtlut el dinga an rel anga IAF vuongna hmanga thautui hi hung phur niin ei thu dawngna chun a hrii.

UN-ah peklut dingin an rel

IMPHAL: Zanikhan Citizen Committee, Manipur chun Imphal-ah meeting an nei a, UNC in hun tiemchin um lova National Highway haia Economic Blockade an thaw leia Manipur mipui- hai harsatna tuok dan chun-

gthu an hriitlang. Economic Blockade hi suktawp a hung ni theina dinga United Nations (UN) hung inrawl dinga ngenna lekha peklut dingin Citizen Committee, Manipur meeting chun an rel.

Republic Day an boycott

IMPHAL: Coordination Committee (CorCom), Manipur; Garo National Liberation Army (GNLA); Hynniewtrep National Liberation Council (HNLC) le United Liberation Front of Asom (Independent), ULFA (I) chun January 23, 2017 khan Joint Statement siemin January 26, 2017 nia India Republic Day

hmang ding hi an Western South East Asia (WESEA) region sunga an boycott ding thu an puong. Mipui hai chu January 25, 2017, 6:00PM a inthawk January 26, 2017, 6:00PM inkar sung tuolsuok lova Ina um seng dingin an ngen. Total shutdown hin emergency services hai chu a huom naw ding thu an zieklang.

NSCN(K) in Republic Day an boycott ding

IMPHAL: NSCN(K) chun Republic Day an boycott tum thu an puong- lang. India rama Naga mihai chengna hmun po- poah Republic Day hi boycott ning a tih tiin Col. Isak Sumi, MIP,

NSCN(K) chun zanikhan thusuok a siem. India sawrkarin Naga mi le an chengna hmun hai dan kal le tharum hmanga a awp khum lui dodalnaa Republic Day hi an boycott ding niin an hrii.

Full Rehearsal nei a nih



IMPHAL: Jan. 26, 2017 a State level a Republic Day hmanga ding le inzawmin zanikhan Imphal khawpuaiah full dress rehearsal nei a nih. Chun, Republic Day buoina um lo le ralmuong taka nei a ni theian dingin Police han venghimma sin khau takin an thaw tan a, buoina suok thei dinga ringhlana hmun haia khawm Police picket hawng a la hung ni ding a nih tiin Police thusuok chun a hrii.

New Delhi-a 67th Republic Day-ah Seikh Mohammad khuollienin a thang ding

NEW DELHI: New Delhi hmuna 67th Republic Day hmanga ding le inzawma inbuotsaina fe mek chu a tuong pei a, hunser hmanga a chun Abu Dhabi Prince Seikh Mohammad chu khuollienin a tih. Mohammad a ruolin Arab sipai khawm hung an ta, contingent hai chu Republic Day parade ceremony nei hunah thang veng an thih.



Kum 34 hnunga India thuoiu hai laia a hmasa- takna dinga August, 2015 a Prime Minister Narendra Modi in UAE anzin a inthawk khan, Arab le India hai chun inlaichinna siem tharin, kawng hran hran ah inzawmna an nei bawk a nih. Prince Mohammad chu Gulf le inzawmna sukthatna dinga mi

parade group hai hin India culture a hausak zie thupui hran hran hmanga inentirma nei an ta, socio-economic tieng hma a sawn hrat zie suklang in, IT, Nuhmei hai hmasawm zie le ram leilung le India khawsak hma a sawn hrat zie pholangna nei an thih. State tina parade team haiin art form, folk culture le achievements an hmu hai thupui hran hran hmanga mani state senga mi suk- langna nei an thih. Rajpath a parade a thang ding haiin zanita inthawk khan full dress leh rehearsal an lo nei tan tah a. Rehearsal chu Vijay Chowk le Red Fort inkara thaw niin, parade an nei sung Rajpath huom sunga office le inchukna In hai khar an nih.

January 26 a Republic Day hmanga ding le inza- wmin, security sukkuhan tan mek ani a. New Delhi hmun hran hran hai ah security force le Police haia inthawk 50,000 security personnel hai in duty tir- ning an thih.

January 25 a inthawk khin Delhi le state dang- hai infepawna chu dang- ning a ta, car le motor dang dang inlawm hai chu uluk taka check ni bawk an thih. Khawpui sung hmun hran hrana hai chun CCTV inbuk an ni a, chu- ong hai enkaitu dingin control room 8 hawng a nih. Security layer chi- hran hran siem ani a, New Delhi hmuna chun Police, paramilitary le NSG com- mandos hai duty dinga tir- an nih.

VAWISUN THUPUI

Keimaa inthawkin indiknawna le khelhlipla hi mi dehawn pek dai la; hausakna amanih, pasietna amanih khawm mi pe naw rawh; keia ta dinga huntawk chovin mi chawm lem rawh. Ka hung hau hin inphat ka ti che a 'Lalpa chu tum a na?' ti hlaw rawi ka tih; annawleh, ka hung pase chun inru rawi ka ta, ka Pathien hming hi hrilsietnan hmang hlau ka tih.
- Thuvahai 30:8-9

Editorial

Ei state sum ngirhmun a derthawng

Ei state sawrkar sum ngirhmun a derthawng a nih ti chu sawrkar thawktu le pensioner-hai hlaw thangsaa thuthar um nawk hmakhat sum peksuok lo dinga Finance Department, Government of Manipur in kharna thupek an suo hin a sukchieng hle. Overdraft a ei um ding vengnaa ei state sawrkarin hi Order hi an suo a ni ngei ring a um. Overdraft ei ni vai chun Reserve Bank of India (RBI) chun automatically in ban a hung puong nghal ding a nih. Overdraft leia RBI in ban a mi puong khum laia ei harsat dan kha ei la the-inghil tawl ring a um nawh. RBI ban mi puong khum ding hi inlaw um takel a nih. February thla sung khin ei state sawrkar chun sawrkar thlungpuia inthawka monthly entitlement a dawng hlak a hung hmu ding a ni a, chu huna state sawrkar sum ngirhmun a hung thanaw chun Manipur mipuihai sum thuah ei harsa hle ding a nih.

Sawrkar thawktu han a hun takah an hlaw an lak thei naw chun khawlaia sum inelng vel a hung vang a. Sawrkar thawktu ni lo hai khawm sum thuah harsatna namen lo ei tuok pha hlak. Ei state ah thawktu tam tak ruoia thla hlaw pe theitu Industry le company lien tham an um naw lein sum thuah chun sawrkar thawktu hai ei innghatna umsun an nih. A hun takah an hlaw an lak naw chun ngawng nasa tak a nei a, a ng-hawng chu sum harsatna a nih. Sum a harsa chun mipui an harsa ding tina a nih.

MLA Election ei hmasuon mek a. State sawrkar sum ngirhmun a derthawng zing a ni chun mipuihai chau ni lovin state sawrkar khawmin harsatna namen lo a tuok ding a nih. Hi lei hin state sawrkar lukhaitu hai hin state sawrkar sum ngirhmun harsatna suk tha dinga hma an hung lak beisei phawt ei tih. Sum bova election huohawt hlak thil thei a ni si nawh. India sawrkar demonetisation policy leia sum harsatna namen lo takel ei tuok laizanga state sawrkar sum ngirhmun a hung derthawng nawk hi thil paw takel a nih. Mipui harsatna belsatu ding a nih. UNC economic blockade lein harsatna nasa takin a mi delde bawk, harsatna a thuo thuoin a hung a nih.

Ei state le a ram mipuihai hin thuhril them, hmu mistiri, vote zawngnaa thutiem tam tak nei ringawt, sawrkar thlungpuia sum tam tak zu keidaw thei ringawt a mamaw ta naw a, state intel ni thei dinga hma la thei ding a mamaw a nih. Sawrkar thlungpuia chawmhlawm ringawta um hi ei state intodelna ding a ni nawh ti hi ei state a roreltu le ram thuoi tu an hriet a, an ngaipawimaw hle nuom a um. State intel lo hai chu kudad ang ei nina chin a um a, thil inzakup tak a nih. Political party-hai hin ei ram economy that naw zie an hriet a, an hril thei vawng. A siem that dan ding khawm an hriet a, an induong hlak. Amiruokchu, a sukputlingna kawngah an baksam hlak. Hi tak hi ei thawhla, ei ram intodel thei nawna a nih.

MLA Election dingin ei insingsa mek a. Party lien pahni BJP le Congress party han a candidate dinghai an hung sukfel zova vote campaign hung tan tak tak an ta. Chu huna chun political party tinin an party policy le manifesto hai hung puonglang ngei an tih. Chu huna chun state intelndelna ding ngaipawimaw an um le an um naw a hung inhril thei ding a nih. Mani party policy le Manifesto ngaisak le ngaipawimaw hlak mipui khawma hriet zinga ei vote ei thlak tha hleng a tih. Thlangtingla um hai khawma a policy le election manifesto sukputling ngei dingin hma hung la ngei bawk hai sienla nuom a um.

Ei hriet seng angin ei state sum ngirhmun a derthawng a, ei ram economy a tha nawh. Ei ram economy siem thatna ding le ei state sum ngirhmun derthawng tak siem thatna ding chun sum hmang them le sum inren them a tul a. Mipui han chuongang mihai chu tu ham an na ti ei hrietchieng a tul. Khawvel indopui pahnina a tlung tir khan Britain mipui chun an PM Chamberlain chu Hitler hmasawng dingin a hrattawk nawh ti an hriet a, mi rorem le huosen Winston Churchill an thlangting, Indopui a hung tawp a, an ram economy siem tha thei ding Atlee an PM dingin an thlangting nawk el. Ei ni rawi khawma ei ram mamaw ang thuoi tu le roreltu ding hi ei thlang ve thei a nih.

Editorial Board
Lalmalsawm Sellate: Editor & Publisher
Roding L. Sellate: Jt. Editor
Ramditum @ Rama Ralsun: Asst. Editor
Lalsansuok Pulamte & Samuel Zothanglien @SZ Zote: Sports
Joseph Joute: Freelance
Lalruotlien Dulien: Computer Assistant
Edited & Published by Lalmalsawm Sellate at HT Office, Lighthouse Lane, Churachandpur and Printed by him at Lamka Super Printer, Vengnuam, Hiangtam Lamka, CCPur, Manipur.

E KHAI! DISTRICT EI LO NEI DER TAH

-Prof. L Fimate, MD.

Ei thuoi tu hmasahai khan Hmar District nawr dawktumin thei tawp an lo suo hlaka. Mipuiin inthuruol takin intinah sum dawlin, Delhi-ah palei ei lo tir rawp tah hlak. Sienkhawm, ei beisei Hmar District chu hmu phak lovin mi tamtakin muol an mi lo liem san tah.

Hmar nauhai hi rambung hrang hrangin ami thedar nasa em em a. Ei tamin, ei ram del a lien vei leh, State pali-Manipur, Assam, Mizoram le Tripura-hai hin an min sem chek vawng a, ei umna sengah a kil khawr hluoin, hnam te nau ngirhmun chelin, second class citizen ang mei mei ei chan tawk a lo nih el tah. Hlawm khata um ni inla, a hrana state pakhat bek nei phu hlie hlie ding ei nih. A daikilkar hmun hloua inchek dar eini leini, development programme hai khawmin a mi ban phak ngai nawh. Hi lei hin hma sawn thei lovin, mi hnung hnawt in ei um. Mizoram hmar tienga chenghai lem chun "**Hmar Thimbung**" ti-a ko an hlaw hiel a; Manipur simthlang, Tipaimukh biel, eini rawiin 'Hmar Area' ti-a ei ko chun "**Dark Continent**" ti a hlaw hiel bawk. Hiengna hmunkhata luong tlang thei lova, ei chengna State tina uksak hlaw lo pawl, ensan ram ang ela ei um hi na ei ti em ema. Chuleiin hmunkhata ei luong tlang theina dingin kum 1950 bawt lung laia inthawktum 'Hmar District' ei lo nawr mup tun tah anih.

Ram khat dela rorelna khawl pakhat hnuoia cheng khawm nuomma thucha hin mipui lungri a hne in a kei khawm em em a. A hrana Political movement ei tanna hmasa tak chu ei hnam hmung chawia District nawr suok tum a nih. In tinin thei tawp le lung ruol takin thang ei lak hlaka. Chu District thar ding, Plumte thlira ei thlir thuop el hlak chu **Hmar Autonomous District** a nih. Beiseina an sang hle ning atih, hla phuoktuhai khawma, "**Cachar, Hajlong, Aizawl, Manipur, inpumkhata ngirin**" ti hielin hla an lo phuoka. Hmar hnamunga political party pieng hmasa tak khawmin "**Hmar National Congress**" ti hming a hung put phawt a. A hnungah Hmar hnathlak po po huop, political party indin a hung ni chun "**Hmar National Union (Manipur, Assam & Tripura)**" tiin ei hung ko ta pei a nih.

Ei chengna state dang dang hai laia a buk a ei inhlawm rawnna le mithiem suok rawnna tak, Tipaimukh biel hi "**Hmar Biel**" (Hmar Area) tia ngei le hriet a hung ni a. Chu chu a hnung peia a sunga cheng le puo tienga khawsahai khomin **HMARRAM (HMARLAND)** ti bik deua ei hung ngai chu a nih. A tam lem daih Mizoram cheng ni inla khawm, mani nina bik chel lo a lo lien lem a Mizo nina hnuoia lo insung lut tah anni bakah, mani tawng tak ngiel khawm humhal zo ta lo anni leini an hnam pum ai aw a ngir thei ngirhmunah an ta nawh. Assam a le Tripura a hai hlak mi hriet tham hlaw khawp a, a khawna ram delna mumal ei nei bawk si naw bakah, ei um bum tamna deua hlak hnam puom aiaw a inko na neka hnam hrang hranga insal ei tam tah leini, Hmar hnam identity dettaka humhalna hmun chu **Tipaimukh** biel chau hi ani a. Hi Biel hi Hmar nauhai ta dinga "**Kan Ram**" ei ti thei sun chu a lo ni tah. Chuleiin, Hmar nau taphawtin ei inwavi em em el, ei ngaina em em el, ei **Kanan** ram chu "**Tipaimukh Biel**" hi a lo ni rawp a. Tuhin ei **Jerusalem thar** chu "**Pherzawl**" a nih ti inla, ei amen duol ka ring.

Pherzawl hming chawia District thar a hung pieng hi chu lawm a um takzet el. Hi Biel sunga mihriem cheng a tam lem hi Hmar ei ni leini, Hmar District ti hming put naw sien khawm Hmarhai khaw sat le inlalna Pherzawl hming chawi le, a khuo a ngei a hmunpui a hei inngat hi, Hmar District pieng ta a ngai pawl an um a ni khawmin inthiem naw ding an ni nawh. Hmar mipui po poin umni khama lawm dup dup khawp a nih ei. Keikhawm, Pherzawl District a pieng thu an puong ka hriet chaw inthawkin, ruolhai phone thei thei hai phone kuolin, a lawmum zie ka hril mawl mawl a. A thei theiin lawmna siem dingin ka'n cha tawb bawk a nih.

District siem hi thil awlsam a ni nawh. A hmaa ei hril vuoi tah ang khan, kum 60 lai zet ei lo suol tah a nih. Sadar Hills hai khawmin hun sawttak a inthawktin an lo nawr ta hlaka, thisen tam tak an chan ta bawk. District chu, a hung pieng a ni khawmin, a pieng thu puonga inzo el thei chi a ni nawh. Naute hung pieng ang a na, enkawl theina dingin tha le zung seng kum tam buopui zui a ngai. Buopui tu an fel naw lem chun, naute chu hlama zua thi el thei ran annih. Chuongang bawkin District indin a ni ruol ruolin enkawltu ding department hrang hrang mak maw a nei le, chutaka hmun le hmang (infrastructure) indin a hung ngai nghal a. District pakhat khawmin coror tam tak el a mamaw nghal a nih. Chu ding chun a mihriem chenghai le sawrkar nasatana an inbuotsai a ngai.

Mizoram tienga ei district nawr hlak chu hringna ei chan rawn tak vei leh, vawisun ni chen hin, ei thil hni tak ei la hmu phak nawh. District in pek hi ei unau, Mizohai ngei hmama hieng tawp a harsa an ti lai rana, tuta tuma Manipur sawrkarin awlsam taka district thar 7 zet a zuk siem tawp el hi chu a ram histawri-a thil mak la tlung ngailo a nih. Sum harsat leini sawrkar khawm a beidawng hle ring a um. Hieng a hmawсарuma District pasari zet lungte peka hei inwep tak el hi chu, ngaituo ding tamtak aum. A san tha tak um ngei dingin ring a um bawk. India hmarsaka chenghai hin phairam le tlangrama hmang thei rorelna khawl, India Danpuin a min duong pek a. Chu hnuoia cheng tlangmihai chun hamthatna le inhumbimna chi hrang hrang ei dawng a. Chuong laia a khawlpui tak chu, **Autonomous District, Sixth Schedule hnuoia an sie** hi a nih. Tuta tuma District thar pieng po po hi **Revenue District** vawng niin a'n lang. Iem ana a kaw, ieng ngirhmun am a na a hlou, le thil dang dang, tlangmihai ngirhmun taw buoi thei ding hrilfiena ieng khawm tlang hrieta siem le puong a la um nawh niin ka hriet.

Hi thila hin dan pawimaw tak, Hill Area Committee(HAC) hrietpuina le pawm puina kha an baw kan that chu tie! Hi lei hin HAC Vice- Chairman, Z. Kikhonbou Newmai lem chun, "HAC hrietpui loa hiengna in thaw hi ka pawm thei nawh" tiin a Vice- Chairman nina chauh niloin, a MLA nina le Congress member a nina chenin a'n ban top el anih. Hieng ang tawp a Vice- Chairman meuin a hriet phak nawna le, HAC rawn anni nawna a lungepenpui el hi chu a Chairman tak khawmin a hrietphak bik da'l thei anih. Lo hrephak khawm nisien, a member chanpuhai hrietnaw kara a ruk a rala alo va tlanpui khawm ani el thei bawk. Chu chu official thila ding chun, unethical, thil nallo, mani sinthawpui hai inphatsan, ruol laka mi ringumlo, ani lem hiel naw maw?

Chuonga hnawt tlak thil tha a um a, Hill area tieng sai ani bawk si chun, a thawkpui hai, a bik takin, a Vice-Chairman bek chu zuk hril ve de a awm vieu naw maw ? Huon thlai vengtu dinga dan che, huondaiin huon thlai a lo pet kawlwavng ti ang khawm kha a ni nei. Manipur tlang ram le tlangmi hai ngirhmun tawk paw thei dan le thil thaw tum hrin hrin chu HAC fe thlengna thaw ding a ni thu Hill Areas Committee Order, 1972 chun chieng takin a hril. Vengtu sin tak thawtu chu HAC Chairman a nih. Thil infuk lo a um chun Governor kuomah intlung a ta, a tul chun Governor-in President of India kuomah sukfel dingin intlung a tih. Chuong ang chun thaw loa kawt vengtu takin rawktu hai aruka an luttir chun, Juda Iskariot ngirhmunna insiema a ni thei. Three Bills chungthua ei buoina bul khawm kha, chu chu a ni lien hle. Tlangmihai nina le ngirhmun humhal ngam thuoi tu ei mamaw.

Manipur State chite, mani intodel lo State le, ieng lai khoma buoina a sip zing bawk, District 16 zet a ei khaw dar el hi, inthlang hung dinga tawkdar a ei hmang tum a ni chun thu khat, Revenue District- hmanga chaw ruol vong ei tum lem dam a ni chun, buoina khur thar 6 le a bebawm hril seng lo ei cho belsa ni thei a ta, vengtu ruong lo, tlak tlai lohait thil thaw chun kum tam a mi la noi khom a ni thei. Tu ta district siemna a hin, a biel then khat chu a hmitu khawm umlo, a biel mipuihai khawm rawn mumal um lo, a dawngtuhai khawm lawm bek bek lo dam annih. Biel thenkhat lem chu an inching rak el thei. "District ka nawr dawktu pek cheu" ti a hming that hlaw tum khawm an um chungu nawh. Chuleiin, ienglei taka Iboi sawrkar hin hieng thil hi a zuk thaw that el amani aw! ti hi mi tamtak makti a kai. Ieng thuruk amanih, **secret agenda** iemanih tak chu a um ani el awm de !

Thenkhat chun, election hung dinga mi ditsak hlaw a, vote hmuna dinga an thaw a nih, ti dam; thenkhatin, tribal lai buoina insuoktir a, anni le anni indo tir tumna leia thaw ni dingin an intum mek bawk (divide and rule policy). Entima dingin, Kangpokpi District hin Kuki le Naga karah buoina nasatak a suok suok. Pherzawl District ah Thanlon Biela mihai an lawm nawh. Dan hre mi thenkhat chun, "**Revenue District hi, ei inlaw pui em em, Anti Tribal Bill(Three Bills) sukpuilingna dinga siem anih**" an ti bawk. Chuong dam ani chun, hieng tawpa ei lawm luoi luoi hi, ei thlaha i tapna ding a la ni el dim maw! Pathien zarin ni naw hram sien nuom a um. Annaw leh, ei District lawm hi, kha hma deua Sinlung Hills District ei lawm ang mei mei kha ani el dim maw? Ni naw hram raw se.

Hiengna ei ramah district a hung inthut ta si si hin chu, thei patawpa sawr tum ei tiu a. **Sinlung khawpui** ei indinthat nawkna ding lampui ni ngei dingin ei beisei tlak anih. Pherzawl hi Headquarter pawimaw tak ala hung ni ding lei hin, inpem lut sup sui ei tiu a. Inhmam dam lo hau inla, huon dam lo siem ei tiu, naktie ieng ala hluo ding anie leiin.

District puitlingna dinga thil tul hai.

Pherzawl District a SP Mr. Manimohan Singh, IPS le kan inlawna a chun, a mamawhai an zawt a. Sawrkar khom alo sapmit ta nghe nghe thu ami hril. Chuong hai chu, ram akhar (acre) zahni, office building, quarters, thawktu, mek, tui, lamlien le thil dang dang. Pherzawl ah Police Station makmaw a indin nghal ding. Hieng Police department chau mamaw hai hi coror tam tak ning a tih. Hieng ang bawk hin, DC office le department dang hieng, PWD, Medical-Hospital, Education, Bank, Treasury, le department dang dang bawl angai ding ani leini, sum tamtak a mamaw ding anih. District pakhat chau hman state lien hai tading khawma a rik nak lai, district thar 7 hai indin thut ding chu state chin, Manipur ta ding chun huphur um tak anih.

District puitlingna dinga mipui mawphurna.

Congress sawrkarin thawk-le-khata District hi zat zat a siem el hi a chawm senglo ding nau nei duot ang ni thei a tih. Thawktu tamtak a lak nuomma leia pawisa hmuna dinga thaw am ani ding maw? Annawleh, inthlangna ah hrat an inring tanaw leia a hung inlal ding BJP sawrkar a sukluhai na dinga a thaw am ani ding? Iengkhawm nisienla Congress sawrkar an hung inlal zawm nawk chun hieng district hai hi an sukputling zo naw dingzie chu mi mawl tak khawmin ei hriet ring a um. National Highway ni ve si, ei Tipaimukh lamlien khawm siem tum loa biel dang tieng mi hem kawi pek tu, SDO office khawm suk tawp tu, damdawiin, Primary Health Centre hi zo zai, BDO office, SDC le ei rama sawrkar office reng reng hring-inhroa siema mi suk tawp pektu, ei Tuivai leilak pawimaw em em veileh mi uksak pek lo sawrkar, ei khaw kar lamlienhai po po siem mumal umlo, ei chan/ quota ngawi ngawi bufai hai chen chang phak mumal loa mi siemtu, hmangaina neilo Congress sawrkar an inlal nawk vai vai chun ei ramin pi tieng ala pan pei el thei. District thar ei nei ei lawm lai zing hin, Congress hmalkanaa sukputling ei inbeisei a ni chun, pipu tienami a Zuntenu thu tiem, a tawpah lungngaina ngawt, lungngaina ngawt ti ang baka beisei ding a um nawh. Sukputling nekin, contract vela inhnela, a thau fak kang an tum lem el thei. Tu ta an inlal hun, kum 15 sunga ei biel a **Congress Report Card** ei en chun, **Education-- hlawsam, Health-hlawsam, Economics-hlawsam, Lamlien-hlawsam, Agriculture-hlawsam, fak le dawn-harsatna ngawt, iengkim hlawsam vawng** an lo nih. Chulai ran chun, BJP chu, an inlalna state a hai po hmasawna le hlawtlingna vawng a lo ni bawk. Chuleiin mipui ei var suok a hun tah. Congress vote tling hi insira sim a hun ta naw maw ? Zawngsak a um tanaw hle naw maw ? Hieng khela hin, Central-ah BJP sorkar a ngir lai ani leini, ni danga Congress sawrkar an dawr changa ruong inhuot tuoan lo uksak hlak hun ang kha ni thei ta kher naw nih. District thar puong rawn a tlak el thei ni ta naw nih.

Tuta ei ngirhmun a District indin puitling theina lampui umsun chu BJP thlangting hi ni tah in anlang. District hieng zozai sukputlingna ding chun Sawrkar Laipui, Central sawrkar leh thang kawp a nawr a ngai. State-ah BJP an in lal chun, central a BJP sawrkar le inthlawp in, awlsam takin ei district hi suk vul thei ngei ei tih ti hi huosen takin ei hril ngam anih. Chuleiin, ei ram le hnam damna ding chun, ei hmaha election um ding a hin, I sie le tha hrieta hmangin, fimkhur tak le ram hmangai tak pumin I vote hlu tak kha lo hmang tangkai ta rawh. Chuonga ei thaw chun ei Pherzawl District hi par angin hung vul thei ngei atih. (January 21, 2017).

Bangladesh mi 17 insuo an nih

SILCHAR: Ministry of Home Affairs, Government of India in approval a pek dungzuin, Bangladesh mi Silchar Central Jail a intang 17 hai chu insuo a an ram tienga thawn an nih. Mi 17 insuo hai lai hin nuhmei 2 an thang ve. Tuta hi Bangladesh mi a ruola tam tak insuo a tum hnina ani tah a, lawng hmangin Karimganj International Border ah Border Guard Bangladesh (BGB) hai kuta inhlun an nih.

Hieng tang hai hi January 9 a kha insuo dinga ti an ni a, Home Ministry in approval a pek el thei naw leini, insuo hun ding hi sawn nawk a nih. Bangladesh mi an ram tienga thawn hai chu dan loa India rama lut hmun hran hrana man hai niin, Maulavi Bazar, Chandpur, Habibganj, Comilla, Sylhet, Brahmanbaria, Madhavpur, Sunamganj, Maymensingh, Gopalganj le Noakhali districts haia man tawl an nih.

CBI Chief hlui chungthu suina nei ding

NEW DELHI: Supreme Court chun CBI Chief hlui Ranjit Sinha chu a thilthawtheina a hmang suol le suol naw suina nei dingin thupek a siem. CBI Chief hlui hi fakrukna le thamna latu hai a chengna In-a inhumpuina a nei hlaka hril ani a, 2012 a coal field pekdwak chungthu le case hran hran haia inhnambhawa a nei am ti suina nei ning a tih. Swindle, dubbed Coal-Gate chungthu thuboui chu Dr. Manmohan Prime Minister ani laia thil tlung a nih.

CBI chief thar Alok Verma inrawina hnuoia investigation nei ning a ta, CBI chief ani hnunga investigation a thaw hmasatana ding niin, a neka senior chungthu suna in sin a tan ding tina a nih. Supreme court in complaint a hmu dungzuin, Sinha chun

thawk 50-60 zet a chengna In-a inhumpuina a nei a, case suina an neia chun thangna a nei le nei naw einfelna nei ning a tih. Criminal case neitu iemanizat a chengna In-ah Sinha chun 2014 kha inhumpuina a nei a, chu chu apartment record an enna a an hmusuok niin, chungthu hai chun appointment mumal taka nei lovin Sinha an inhumpui a nih. 2012 kha coal field a dingin a kallhmag indik lova hmun pekdwak ani leini, India in 1.8 lakh crore zet anhmang thu National Auditor in a hril a. Dr. Manmohan Singh chu case iengkhawm siem khum ninaw sien khawm, investigation agencies haiin an enthlak zing a, Aditya Birla Group thangin scam case hran hran hai chu sawrkar hmalkana a thaw nia ring a nih.

Japanese Ambassador in WW-II a sipai thi hai inzana pek ding

GUWAHATI: Japanese ambassador to India Kenji Hiramatsu chu tulai hin Northeast ah a cham mek a, World War II laia Japanese sipai thi hai inza pekna hun a hmang ding nia hril a nih. Hiramatsu chun Kohima a war memorial site sirna nei a ta, chutaka chun hmabaka ding iemani tak thutlukna a siem ding niin a hril. Hiramatsu chun Imphal khawm sirna a nei tah, hun harsatak kara hringna hlutak tak inhlantu hai chu inzana pek a nuom thu hrilin, Kohima tieng an zing nawk ding thu a hril. Hieng state 2 hai a sir zo hnungin, sipai huosen

Samsung Note 7 kang nasan

Samsung Company chun an iPhone siem Galaxy Note 7 kang nasan chu a battery le design infuknaw lei a ni thu zanikhan an puong a, a software le hardware indiknaw lei a ninaw a, a battery lei a nih tiin an hril. Note 7 kangna le inzawma internal le independent investigations an thawnaa an hmusuoakchu a battery lei a ni a nih.

HI thil an suinaa an hmusuk chu battery sunga insulation material a thattawknaw lei le battery himna tawp space a umnaw lei a nih an tih. A battery kha company pahni han an siem a ni a, sienkhawm a siemtu le suppliers hai hmung ruok chu an puonglang haw. Amiruokchu, hi Note 7 battery siemtu hai chu Samsung SDI le Chinese company Ampere Technology hai an ni thu nikum khaan a lo hrilling. Tuta an siem thar mek \$8 a chu hiengang thil hi a tlung nawk tanaw ding thu Samsung company chun an hril a, Galaxy S8 phone hi Barcelona hmuna Mobile World Congress huna an tlangzar ding thu an hril. Samsung Galaxy Note 7 kang thu hi Aug. 24, 2016 kha Chanchinbu-ah an lang a, hi hnung September 2, 2016 kha Samsung chun Note 7 a lo pekdwak tah 2.5 million zet chu a battery infuknaw nia hrilin a kokirik bakah a lo inchwatu hai sum pekir dingin a lo tiem. Sept. 8, 2016 kha US Consumer Product Safety Commission chun Note 7 hi hmang lo dingin mipui hai an hrietirk bakah Sept. 15 kha formal recall an suo. Oct. 11, 2016 a inthawktin Samsung chun Note 7 siemna chu a suktawp hmak a, Note 7 hmangtu hai chu switch off ding le hmangzawm ta lo dingin an hrietirk a nih.

ALL INDIA RADIO: CHURACHANDPUR PROGRAMME			
Date: January 24, 2017 (Tuesday)			
TRANSMISSION- FM-101.4 Megahertz			
Hours	Studio/	Programme	CD/No
5.23pm	CR/P	Signature	
5.25pm	CR/P	Vande Mataram, Time Reading, Opening Announcements Mangal Dhwani	
5.30pm	P	PAITE Prog, Sig, Tune & Announcement <i>Announcer:Goumalsawm</i> 1) Ningkhoching & party (trad) 2) Talk: "Saving habit and bank insurance" by Ginthanlian Valte	CD-1544
6.00pm	P	HMAR Prog., sig, Tune & Announcement <i>Announcer:Zazokim</i> 1) L. Chavngtho Hmar (trad) 2) Talk: "Demonetisation of Rs. 500 & Rs. 1000 currency notes" by David Buhrih	CD-930 CD-1859
6.30pm	P	THADOU Prog., sig, Tune & Announcement <i>Announcer:Nengkhiolet</i> 1) Henikhohal Kipgen (dev) 2) Talk: "Development after Independent" by Abram Manghotiithang	CD-1683
7.00pm	P	FARIM & HOME: Hmar 1) Rengkai Local Church (dev) 2) Talk: "Carpentry as a source of income" by J.V. Pangarte	CD-529 CD-713

CHANCHIN LAKTAWI

UPCM candidate a inthawk Dikshit an hnukdaw



NEW DELHI: Uttar Pradesh Assembly Election hung um dinga Congress le Samajwadi Party...

NHRC DG karkhat sun-ga ruot dingin

NEW DELHI: Supreme Court in sawrkar thlung-pui chu karkhat sun-ga...

Sawrkar thlungpui ngenma a siem leiin, Supreme Court chun...

ULFA (I) a in-rawlina nei man

GUWAHATI: Tinsukia, Assam-ah zanikhan ULFA (I) a inrawlina...

Anupam a sunghai chun, Police haiin indik lo taka intuma...

RPD Act implement tu ding committee

NEW DELHI: Parliament winter session nei huna amendment thaw le pawm...

Committee chu Principal Secretary neia siem niin, Gujarat, Karnataka...

Europe mipui zat China-ah internet hmang um

NEW DELHI: China rama internet hmangtu chu nikum kham 6.2% a inthawk...

2016 kham net hmangtu 42.99 million in an pung a, chuong hai chu China...

Nupui pakhatin naute ke 4 le ser 2 nei



BALLARI: Dhadeasugure Primary Health Centre (PHC), Raichur-ah nupui pakhatin...

Naute chu Vijayanagara Institute of Medical Sciences (VIMS), Ballari a...

US Embassy Jerusalem ah sawn tum

WASHINGTON: Election laia a thutiem angin, US President Donald Trump chun...

“America-in a embassy Jerusalem ah a sie chun Jerusalem hi Israel khawpui...

1967 War ah kham Jerusalem chu Israel-in a lak

SC in Feb. 1-ah Union Budget phar a remtih

NEW DELHI: Union Budget 2017-2018 pharna hun sawn dinga ngenma...

Advocate M L Sharma in PIL a file a, February 1 a budget phar dinga ti chu...

Demonetisation in interest rate a sukhnoui ding: Finance Minister

NEW DELHI: Demonetisation in tax lak theina sukzau a ta, interest rate hai sukhnoui...

Lekhathawna a hril pei dan chun, Rs. 500 le Rs. 1,000 hai hnawl leiin, pawisa...

AP in zangnadawma Rs. 5 lakh seng pek dingin

HYDERABAD: Hirakhand Express chesuala thi Andhra Pradesh mi hai chu sawrkarin Rs. 5 lakh seng...

Chhattisgarh-ah Naxalite 2 kaphlum

RAIPUR: Bijapur district, Chhattisgarh ramhnoui ah security force le Naxalite hai...

Mauritius in PM thar; Opposition han election a thara nei an phut

PORT LOUIS: Mauritian Prime Minister Sir Anerood Jugnauth chun opposition han dodal...

Hi thil le inzawm hin ram mipui tam tak chun local radio shows hai phonein...

THINA CHUNGA LAWMTU HIRLNA

Kan ngai em em kan sangpa John Lamkhanmawi, s/o (L) H. Lienkung of Bethlehem Veng, Rengkai, CCPur...

In thamna dawngtuah, Sd/- Mr Hmangzarum le a sunghai, Bethlehem Veng, Rengkai Churachandpur.

LAWMTU HIRLNA

Saikawt, the 23th Jan., 2017 Tarik 19-22 January, 2017 sunga WINTER CARNIVAL Children's Home Saikawt Kristien Thalai Pawl...

Netaji pieng champha inser

NEW DELHI: Zanita Netaji Subhash Chandra Bose a pieng champha vawi 120-na a tlung le inzawmin, India chun...

Kejriwal in thamna chungthu hril phal nawk dingin EC a ngen


NEW DELHI: Delhi Chief Minister le Aam Aadmi party chief Arvind Kejriwal chu a t awngkam...

Centre-in All Party meet a ko

NEW DELHI: Supreme Court in February 1, 2017 nia Annual Budget Parliament-a phar a remti...

US-ah Thawngaleivir hrat tak leiin mi 18 an thi

ATLANTA: United States hmun hran hran haia Inrinni le Pathienni haia Thawngaleivir ei ti, thli inrivi...



Madonna-in ngaidam an hni



WASHINGTON: Madonna chun Pathienia President Trump ditnaw zie entirna dinga nuhmei han protest rally an neinaa a thuhrii le inzawmin ngaidam an hni. Nuhmeihai rights le chanvo thua an protest thu a hrilnaah "White House bomb dar hiel ka nuom" tia a hrilnaah ngaidam an hni a nih. Instagram ah message sei deu ziekin, "Zani ta Rally kha experience danglam tak le inhawi tak a nih."

"Express Yourself" ah khan ka hung thang ve el a na. Amiruokchu, ka thuhrii thenkhat hrilfie ka nuom. Tharum dit mi kan nawh a, ka thuhrii umzie indiktak in hriet ka nuom, thumal thenkhat lak suoka hril vung rak lovin. Ka thuhrii umzie tak chu 'revolu-

tion of love' tan ka nuom ti thu a nih. Mi hnuoihung le retheihai lung hnuoi el lova nun thar tan nawk dinga hung suok dinga ka dit thu ka hrilna lem a nih. Ka thuhrii naw zawngin thenkhat tharum dita an mi ngai hi thil indiklo a nih. Tharum thaw mi kan nawh" tiin a hrilfie.

"Thil pahni ka lungriila um ka hril a. Pakhat chun hmateng beiseina a nei a, pakhat dang chu ka mimal taka lungsenaa le lungawinawna a nih. Lungsenaa thil thaw hin iengkhawm thil tha a ra suok nawh ti ka hriet. Thil thlang danglam theina umsun chu hmangaina'n a nih. Mipui tamtak 'hmangaina kan thlang' tia khek hai laia ka thang thei kha lawmum ka tih" tiin a ziek bawk.

Madonna hin a thurhilnaah tawng tha lo tamtak a hmang a, ama le protester ditnawtu le thlawp ve nawtuhai kuomah, "Hi rally hlawtling naw nih tituhai kuomah: F****k you. F****k you" tiin a khek bawk a. "Ka lung a sen, ka lung a sena White House bomb dar hiel khawm ka nuom a nih. Anachu, chu chun iengkhawm thlang danglam naw nih ti ka hriet. Ei lunghnuoi el ding an nawh" tiin a hril a nih.

Madonna ang bawka "Express yourself" thu hrilto lai hin Amy Schumer, Miley Cyrus, Helen Mirren le Blake Lively hai khawm an thang a. Washington, New York, Chicago le khawvél khawpui tamtak ah "protest rally" hi nei a nih.

RoboCop Villain Miguel Ferrer A Thi

LOS ANGELES: Hollywood film inlar RoboCop a misuol (Bob Morton) lem thiem taka changtu, CBS hit show "NCIS: Los Angeles" le "Twin Peaks" hai khawm hnesaw taka lo chang tah blak, Miguel Ferrer chu zani khan kum 61 mi niin a chengna in Santa Monica, Los Angeles ah cancer natna lein a thi.

1980s laia inthawka inlar tah Miguel hi actor hmingsang George Clooney a cousin a nih a, Academy Award winning actor Jose Ferrer naupa a nih. An sungin Santa Monica,



LA ah an um. A thi sunnain George Clooney chun, "Wawisun hin mi ropuitak ei chan a, history ah chun danglamna nasatak a um ding a nih. Miguel hin a hringna chan sienkhawm a sungai chu a chan nawh" tiin a hril.

Miguel Ferrer hi a tir chun acting a thaw hmains studio musician a ni hlak a, drums

le music hmangruo chi hran hranhai a tum hlak a, Bing Crosby hai le khawm Tur lo fe hlak a nih. *NCIS: Los Angeles* ah khan director Owen Granger assistant a ni char char a, film 40 neka tam a lo chang tah a. *Iron Man 3* le *Twin Peaks* co-star Kyle MacLachlan chun, "Chanchin lungthawng thlak tak... Miguel Ferrer a um tah nawh. Agent Rosenfield, ka hmangai che. RIP. -Coop" tiin a sun thu a puong a. *Twin Peaks* a Agent Rosenfield a changka chu favang velah suksuok hman beisei a nih.

Justine Bieber: Selena'n Mi A Hmang



LOS ANGELES: Tleirawl khawvél hi chu politics khawvél ang tho a nih. Canadiani hlasakthiem le milar Justine Bieber, kum tamtak Selena Gomez leh lo inzuia inthea inzuia nawk hlak chun, tulai hnaia Selena Gomez le *The Weeknd* an inggawng ti thuthang le in lim le in-kiss lai video social media haia indar chui chui chuh, "Selena Gomez thaw dan reng, mi a hmang nuom phata a thil thaw dan a nih" tiin a hril.

"Selena Gomez mizie ka hriet chieng a, music le hla thar a neia a hlalhai promote le suklar a nuom phat chu mi a hmang hlak. Kei khawm wavi tamtak a mi lo hmang tah lein *The Weeknd* le hieng an um khawm hi mak ka tih nawh" tiin a hril. Selena Gomez le *The Weeknd* hin hla thar an buoiupi mek a, chu an hla thar promote-na ding chun hieng ang nungchang le chanchin hin an siem niin

a hril. Hienglai zing hin *The Weeknd* ngaizawng hlui supermodel Bella Hadid chun, *The Weeknd* le Selena Gomez hieng an um hi a hriethiem naw hle thu le Selena Gomez-in a hnungtieng chemtein a sun anga ngai thu a hril. *The Weeknd* leh an inthana thla hni khawm la liem lova hieng a hang um el hih mak a tih a. Chun, Selena Gomez chu a unauu Gigi Hadid leh ruoltha tak khawm an nizing laia a lungril natna ding thil a thaw nuom hi chu mak a ti thu a hril bawk.

"Selena Gomez harsat zuol lai le a hlalhai promote a tul a, a music video thangpui a ngai lai khan nasatakin ka sang Gigi leh kan thangpui hlak a. Tuhin ka lungril natna ding thil a hriet zing saa a thaw hi chu mak ka ti a nih" tiin a hril a. Selena Gomez ruok chun a thu hril hih ieng rakah a ngaipek nawh.

Video Shooting ah Johann Ofner kap hlum

BRISBANE: Australian hip hop duo *Bliss and Eso* han an video music album pakhat shooting an thaw laiin a changtupa Johann Ofner chu kap hlum a nih. Queensland Police thusuok chun, Brisbane khawpui bar pakhatatah video shooting an thaw laia kap hlum a nih tiin "workplace accident" tiin an record.

Thil um dan chieng taka suizui mek a nih a. Police detective inspector Tom Armitt hriet dan chun, "Brooklyn Standard Bar ah video shooting an thaw lai hin silai hmang a nih a. Wavi tamtak kap puok a nih bawk. Johann hi a awmah silaimuin a deng fuk a, san tuma a ruol han an bei hung khawma san thei lovin a thi tah a nih. Tu silaimu tak am a na hriet a



lan nawh" tiin a hril. Video siemtuohai hril dan chun, kum 28-a upa actor, model le lam thiem Johann hi mi hlum thei tak le tumru tak, "lungril zau le inhawng, thil thar hmsuok le thaw thar pei nuom mi" a nih. Silaimu iemani zatin a awm a deng fuka hliem tuor zo lova thi a nih. Mi dang hliem ruok chu an um nawh.

An Group thusuok chun, "Video film shooting laiin

member pakhat a thi a, a thi dan tak suizui mek a nih. Hi bak hi chu iengkhawm kan la hril thei nawh" tiin an hril a. Bar neitu chun hi zana ding hin Bar hi rent-a peksuok a ni thu a hril ve. Sydney-based *Bliss n Eso*, hip hop dance group hin Australia ah 'hits' tamtak an nei tah a, an single thar tak hit kai khawm "*Dopamine*" a nih. Kum tawp tieng hin an album 6-na ding release an tum bawk.

Sports:

PREMIER LEAGUE SUPER SUNDAY RESULT

Diego Costa hung kir nawk chun goal ropui tak thunin point 8 tawpin Chelsea chun hma an thuoi

Pathienii zan English Premier League Super Sunday Match nuhungah Leader Chelsea chun Bottom Club Hull City an lo mikhuol a, awlsam taka 2-0 a hnein League-ah hma an thuoi zawm pei. Hi inkhela hin kar hmasaka Champions lai Leicester City 3-0 an hne tuma inlang ve lo, Chelsea top Scorer Diego Costa chu a hung kir nawk a. Half tawm charah goal hmasa a thun nghal. Tuta Costa goal thun hi tuta season fe meka League-a goal 15 a thunna a ni tah.



sea chun point 55 an nei a, Arsenal nekin point 8 in lan sang lem a, an ta ding chun Champion chu inbeisei um tak a la ni zing. Chelsea Manager Antonio Conte chun Costa chunggang hrilin, "A khel tha a, a chungah ka hlum hle a nih. Game intan hma khan ama (Costa) chungchang hi an min dawn a, kei chun thutlukna indik tak ka siem

thi ka hril a, game a tawp chen khawma kha thutlukna kha a lan dik pei a nih," tiin a hril. Hull City Manager Marco Silva ruok chun, "Hieng ang result hi ei dit tak chu an nawh, in-el ding le point hmu dingin ei hung a, anachu ei tum angin ei hmu thei naw a nih," tiin beidawng takin a hril ve thung.

an hung ni ngei beisei a nih. Mizoram government le thangkawpin hi company hin naupang talent tha tak tak neihai inchuktirna dingin training centre 60 lai Mizoram-ah hawngin a lo um an tah. India ta ding hin Tata Football Academy hin naupang hai hin an career siemin professional player

ing, Khomthang han pahna le pathumna an lak. Sun dar 10 in 100, 200 metres race, Long Jump, High Jump hai nei a nih. High Jump ah Mangmin-lun, Mangmuanlal le T. Khanlian han pakhatna, pahna le pathumna an lak a, Long Jump-ah Doum-alsawm Guite, Mangmuanlal le Chinsanglun han pakhatna, pahna, pathumna an lak a; 100 Meter

Sevilla le Barcelona chun Leader Real Madrid an hnawt tung pei

Spanish Premier League fe meka pahna ni mek Sevilla le Botom Club Osasuna an inhmaasuna a. Sevilla chun 4-3 in an hne hram lein Real Madrid nekin point khat chawin an inhuoi lem (Real Madrid hi game in hand pakhat nei an nih). Hi match-a hin minute 15 na chauh muolnetu Osasuna tieng chun Sergio Leon hmangin goal an thun nghal a. Goal thun bik um lovin iemani chen an inkhel a, half tawm charah Sevilla goal thun-bratpa Vincent Iborra chun an siphur a sút lein half chenhah 1-1 in an inangtawk a nih.

a hung thun nawk a, chu goal bat chu Madrid star player Griezman chun minute 80 naah a hung sút lein hun tawp chenhah 2-2 in an inangtawk ta a nih. Atletico Madrid hi tuhin panina an ni mek a, Bilbao ruok chu pasarina an ni ve thung. Chu hnungah Real Betis le Sporting Gijon hai an inbein nawk a, goal thun bik um lovin 0-0 in an inhnetawk lein Sporting Gijon chun relegation zone suoksan theina hun remchang an bawpel nawk a nih. Tuhin a 18na an ni mek. Real Sociedad chun Celta Vigo an lo mikhuol a, 1-0 a an hrat lem hlau lein point thum an hmu a nih. Hi taka goal umsin hi Minute 72 naa Juanmi goal thun a nih. Hi dungzei hin Real Sociedad hai chu pangana an inhlangkai a, Celta Vigo ruok chu parietna an ni zing ve thung.

Half zo minute 63 naah Vincent Iborra bawch chun anni goal tieng a suklar pal lein Osasuna tiengin 2-1 in hma an thuoi a, an goal tienga a suklar zo hlum minute 65 naah Vincent Iborra bawch chun Sevilla ta dingin goal dang a thunsa a, 2-2 in-angtawk hri a nih. Chu hnung minute 80 le 90 nahaiah Sevilla tieng chun Franco Vasquez le Pablo Sarabia hai hmangin goal pahni an thun a, 4-2 a an hrat lem ngai ring a ni hnung minute 90 na vekah Osasuna tieng chun Kenan Kodro hmangin goal pakhat an thunsa nawk a, chu bak chu goal dang a lut sap ta naw lein Sevilla chu 4-3 a hratin point pathum an hlawsuok ta a nih.

Match dangah Atletico Bilbao chun Atletico Madrid an mikhuoi ve thung a. A hrat bik um lovin point pakhat ve ve'n an insem a nih. Inkhel tan a nia inthawka minute 3 chauh Madrid tieng chun Koke hmangin goal hma an thuoi a, chu goal bat chu minute 42 naah Inigo Lekue chun a hung thungrul lein half chenhah 1-1 an nih. Second in an hlum minute 56 naah Oscar de Marcos chun Bilbao ta dingin goal

#	Team	GP	W	D	L	GF	GA	GD	PTS
1	Chelsea	22	18	1	3	47	15	32	55
2	Arsenal	22	14	5	3	50	23	27	47
3	Tottenham	22	13	7	2	45	16	29	46
4	Liverpool	22	13	6	3	51	27	24	45
5	Man. City	22	13	4	5	43	28	15	43
6	Man United	22	11	8	3	33	21	12	41

Sl. No	Team	GP	W	D	L	GF	GA	GD	PTS
1	Real Madrid	18	13	4	1	48	17	31	43
2	Sevilla	19	13	3	3	42	25	17	42
3	Barcelona	19	12	5	2	51	17	34	41
4	Atletico Madrid	19	10	5	4	34	16	18	35
5	Real Sociedad	19	11	2	6	31	25	6	35

Northeast pasalte tamtawk tak Germany-ah

IMPHAL: TATA Trust le U Sport hai hmalaknain Northeast naupang (pasal) tamtawk tak hai chu football pet inchuk dingin Germany pan an tih. Tata trusta associate director Biswanath Sinha chun hi naupang hai hin FIFA World Cup 2026a hung um dinga hin boruok lientak an hung siem ngei a beisei thu a hril. A hril peinaa chun "Tata Trust le U Sport hai hin football khawvel-ah India hi sukhmasawn le 2026 World Cup pha India khawm inthangpui ve ngei chu a thil tum lientak a nih. Hi project hnuoia hin naupang hai hin an career siemin professional player



gi, Chitrasen hai hi Tata Academya inthawk suokdawk vawng an nih" tiin a hril. Pasalte 80 zet Northeast States a inthawk thlang dawka um hai laia mi 15 hai hi Manipura inthawk niin, mi 17 hai hi Mizoram inthawk an nih. Hi naupang thlangdawka um hai hin kum 6 sung Germany-ah ball pet inchuk an tih.

Mikhuoltu Gabon hai chu Knock out an kai zo ta nawh; Burkino Faso le Cameroon knock out an kai



Pathienii zan Khan African Cup of Nations fe mekah Group A hai chun Group game tawpna tak an inkhel a, knock out kai ding le kai naw dinghai a chieng tah. Group game tawpna taka hin mikhuoltu Gabon hai chun Cameroon an inkheltui a. Goal thun bik um lovin 0-0 in an inangtawk a, Gabon chu vawikhat khawm hrat nei lovin an ta fel der an tah. Cameroon chun point panga nein group-ah a pahna an ni a, chu lai chun Burkino Faso haiin Guinea Bissau 2-0 a an lo hne ve lein Group topper an nih. Burkino Faso le Cameroon hai hin point panga ve ve an neia chu goal difference tieng Burkino Faso an insang lem lein Group topper dinhmun an chang lem a nih.

Ram neitu Gabon hai hi hrat hai sien chu knockout an kai ding a ni a, anachu goal pakhat te khawm an thun naw tlat lein an ramsung ngeiah an muolpho ta a nih. Hi tournament-a ding hin a zawnaw vavihni knockout an kai zo nawna a nih.

Cameroon hai hin Group B Topper Senegal hai knock-out-ah inhmupui an ta, Burkino Faso hai ruok chu Group B pahna a la chieng naw lein an inkheltui ding hriet thei a lan' nawh (Zani zan group B an inkhel a, hi thu ei buotsai chenhah result ei hriet hman ta naw a nih). Burkino Faso hai hin Cup an la lak thak naw a, African Cup of Nations-a an thaw that tak tum chu kum 2013 a pahna an lak kha a la nih. Kha kum Khan Nigeria lakah Finalah an tlawm a nih. Group game khel zo a ni dungzeia an ngirhmun chu a hnuoia ang khu a nih:

Sl. No	Team	Pld.	Points	GD
1	Burkino Faso	3	5	2
2	Cameroon	3	5	1
3	Gabon	3	3	0
4	Guinea Bissau	3	1	-3

Gwen Stefani'n Mexico ah Performed



RIVIERA MAYA: Hlasakthiem han ring nawna tieng taka hla ei beisei phak lo dam an hung sak hin abikin concert fehah ta dingin an hawi thei hle a, emman um an ti hlaka hlasakthiem hai ta dinga inlarna chi khat a ni pei bawh hlak. Gwen Stefani khawmin ringnawna tieng tak a ruolpa Blake Shelton 2017 *Crash My Playa* tour Riviera Maya, Mexico ah hla a va sak pek lein lawm a hlav hle.

"No Doubt" album (2001)-a hit "Hella Good" mipui hmaah hnesaw takin a hang sak perform pek chuh an lawm hle a, Blake a lawm nawk zuol. An video hi Snapchat ah Stefani'n a share bawk.

Gwen Stefani hi a pasal hlui Gavin Rossdale leh kum 20 inzuia kum 13 an innei hnunga nau 3 an nei hnungin August 2015 khan inmak a rawt a. A pasal hin an nau dawntu lakah a uiret san nia a hriet lein April 2016 khan an inthe fel a, an nauhai pathum Kingston (11), Zuma (8) le Apollo (2) chu joint custody dingin an inrem a nih. Rossdale chun Gwen hi hmél tha a la tih em

a, a la hmangai zing niin *The Sunday Times* a hril. "Kum 20 sung hun hlumum tak kan hmang a. Tuhin chu ka nauhai tha taka enkawl an thapawimaw ta chu" tiin a hril.

Stefani le Shelton hi "*The Voice*" ah an chang duna inthawkin an inzuia zing a, kum 2 a ting tah. Tu kum 2017 *People's Choice Award* ah khawm an pahni'n an thang a, Blake-in Award pahni a dawng han Stefani hi stage a inthawkin an pak a, "Mi tamtak, a mi vote tuhai leh, lawmthu hrilna ding ka nei a. Abikin wawian eimi laia hung t hang, a hmél tha tak Stefani (ka date) kuomah" tiin a puong a. *The Ellen DeGeneres Show* ah khawm Gwen Stefani hi hmél tha tak le hot tak le a hringnunga dinga mi pawimawtak tiin a lo hril tah bawk.

"Ama ang mihriem hi chu an vang a nih, ka mit sukvartu a nih. Mihriem ka hmu lai po poa chu normal tak le pawl inhaw tak a la nih, a hot bawk. A that zie in hmu ta?" tiin December 2016 khan a ngaizawng thu a lo puong der tah.

VENUS le NYK huoihawtnain Block Level Athletic Meet nei

CCPUR: Jan. 23, 2017 khan Vengnuam United Soccer (VENUS) le Nehru Yuva Kendra (NYK) CC-Pur hai thanguola huoihawtnain PT Sports Complex, Khominthang, New Lamka hmuna "Block Level Athletic Meet" Lamka Block nei a nih. Athletic Meet hi zani zingkar 6:30AM khan Marathon nei a ni, mi 14 an thang a, PT Sports Complex a inthawk College Road, N. Lamka zuin Tiddim Road-Tiddim Road-Police Station-Tipaimukh Road-Marian Street, Phailian-Dorcas Road-College Road-PT Sports Complex chen an lan. Marathon a hin T. Khanlian, s/o Laltuakmawi of Khominthang in pakhatna a lak a, Liansonthang, s/o K. Dongkhanmuan of Goukhenpau Road, Vengnuam South le S. Sangmuan, s/o Zenkhan-

Ashwin le Ravindra Jadeja thlang ve lo



Hung tung ding January 26 phata India le England hai Twenty 20 International an inkhel ding le inzawmin player selection zani khan zofel a lo ni tah. Hi taka hin India spinner thiem Ravichandran Ashwin le Ravindra Jadeja hai chu thlangin an um ve nawh. Hi player thlangdawka hi All-India Senior Selection Committee le Team India Management inthurema an thaw a nih. Ashwin le Jadeja thlaktu ding hin Amit Mishra le Parvez Rasool hai thlang an nih. Thlaka um player hai hi, hi hmaa India le England ODI an inkhel thun kham wicket la rawntakin an thang. Jadeja lem hi chu ODI Indian left-arm spinner wicket 150 latu hmasatak a nia, chu baka top 10 wicket-takers hai lai Indian bowler inthang phak ve sun a nih. India hai hin England hai hi Test series ah 4-0 in lo hnetain, ODI series-ah 2-1 in an lo hne ta bawka a nih. Tuta T20 an inkhel ding hi first match Ningsani khin Kanpur-ah inkhel an ta, second match Pathienii pha inkhel nawkin le third match February pha Bengaluru-ah inkhel an tih.

Keri-anne Payne-in inhlieu chawlsan

Inhlieu hrat, vavihni zet open water world champion lo nitah le Olympic silver medal luta Keri-anne Payne chun swimming a lo chawlsan tah. Kum 29-a upa, Payne hi South Africa-a pieng nisien khawm kum 12 sung zet Great Britain ta dingin an khel a nih. Kum 2008 Olympic khun 10km inhlieu inelnaa silver medal lain, kum 2009 le 2011 khan world title a lak ve ve a nih. Payne chun "inhlieu inkhelnaa ka thang kha inhaw ka tiin, inthakdanglamna le inchukna lientak mi petu a nih" tiin a hril. Rio Olympic 2016a parietna latu le Lodona palina latu Payne hin swimming a chawlsan zo hin Britain inliieu thiem thu, apasal David Carry le inthlawpin business tieng a kal pen tang a tih.



Football Fixture: 24th Jan. 2017

HERO I-LEAGUE
19:00 Shivajians Vs Mohun Bagan
COPA DEL REY
23:45 Deportivo Alves Vs Alcorcon
AFC Champion League
17:00 Global Vs Tampines Rovers